



أَوْ كَالَّذِي



01007677910 - 01111883712



3aberorg@gmail.com



www.3aber.org



3aber عابر

جميع الحقوق محفوظة، وأي اقتباس أو إعادة طبع أو نشر في أي صورة كانت ورقية أو إلكترونية أو بأية وسيلة سمعية أو بصرية دون إذن كتابي من الناشر، يعرض صاحبه للمساءلة القانونية.



أُو كَالْذِي

محمد عادل



إهداء

بهديه لطوب الارض
للضلع العوج قبل المستقيم
لضحكة اللقمة ف سنان القوي
ولبرد ليل القاهرة القاسي اللأيم
بهديه لأدم أدم الانسان
يا انصاف مؤمنين
أدم الي مشفنا هوش ولا شافنا
ولا طل بينا ف فرح
ولا طل ف الجنازات
بهديه لكل الكون فكفة إيد
واعتب عليه بالذات

مقدمة

(أَوْ كَالَّذِي مَرَّ عَلَى قَرْيَةٍ وَهِيَ خَاوِيَةٌ عَلَى عُرُوشِهَا قَالَ أَنَّى يُحْيِي هَذِهِ اللَّهُ
بَعْدَ مَوْتِهَا فَأَمَاتَهُ اللَّهُ)

لم يكن الموت يوماً في المدينة ، بل كان في نفوس أهلها. هؤلاء الأحياء
الأموات، من يتنفسون وأرواحهم قد قضيت نحبها من زمن....
طوبى لهم.

مَرَّ عَلَى قَرْيَةٍ

(جـ)

كان ساعتها الوقت واقف
والبحر مرآية عاكسة
لضل الشّمس على المدينة
وقف يتفرج على قرار انتحار النهار
وميلاد القمر
كان ماسك في إيده السبحة
على كتفه الشال
شايّل من قلبه الدُّنيا
جنب منه
كان واقف طيفها
بيراود قلبه للذكرى
أول مقابلة
عينيك حلوة
وشعرك جميل
كان ساعتها الموج
بيخبط في الصخور
فيرجُّ قلبه

النهاردة الروح بترقص

والجسم ثابت

مدّت إيديها

ما تخافيش

الموج ده صاحبي من زمان

علّمني إن الناس مواسم

- الصيف

فصل اللّقا

- الشتا

فصل الفراق والحكي

- الحريف

أكيد ربنا كان ليّه حكمة

في وقوع جوابات الحَيِّبَة من على الأشجار

- الربيع

موعد ميلاد الحب والأزهار

كان لازم أفهم

إن لكلّ مَوْعِدُه

كان لازم أفهم

إن الربيع كان لازم ييجي

عشان اعترف لِك بالحب

وإن الشتا

هيفُض عني أهلي وأصحابي

وأفضل وحيد

أنا والبحر.

فيلسوف جدًا سعادتك

و بقيت أشوف البشر بمليون صورة

ملعون يا جبر الذات

لو تنجبر بالكذب

ملعون يا صوت النوح

في جنازتي على روجي

هاجمع جروحي على شكل قلب كبير

وارميه في قلب النيل

يمكن يطيبها

ضحكت.

كان ساعتها الوقت ثابت

و الزمن مشلول حركته

و كأني ولأول مرة

باشوف الضحك

وكأن الناس
كانت بتضحك عليه
لَمَّا بيرسموا لي الابتسامة
أو كعيل نزل بيضحك من حشا أمه
افتكروه مسيح
دَمَّعَت
على شكل طفل
كان مسافر جوَّ مركب
والموج بيعافر فيها
فانكتب له إن جثته تزور الشَّط
والبشر واقفة بتتفرج
وبيستغربوا
فرق الدولارم الجنيه
يمكن الفكرة في المُصنَّع
أو في خامة البشر
كل الي انكسر مولود بقلب سليم
كان ذنب مين يتولد
وعينه تشوف الحرب!
مانفرقش حاجة عن شعوب الغرب؛

كل واحد له خطيئته
كل حد وله سبب
بس بالمزيكا نجمع
إن بوب مارلي هو تجسيد السلام
قُصِر الكلام
كان ساعتها كثير
لو كُنَّا طَلَعْنَاهُ
يا ليل أيا دا الليل
على طول يَتَطَلَّبُ حَكِي
قلبي استوى منك
أيا دا البُكي
كُلُّ اللي مشيوا في الجنازة
كانوا بيبكوا من الفرح!
على إن الدور مجاش عليهم
وإن التمن
كان موت حد عزيز عليهم
كُلَّهَا شهرين وينسوا
كلها دقيقة
والمنديل هيبكون نسي

بالروح ريحة الدمع
بالضحكة صوت الموت
كل البيوت تشبه
كل البيوت
بينادوا الموت ليلاتي
ويغنوا للنوحة وللجنازات
كان ذنبه ايه بس الي مات
لما بكيتوا عليه
طول عمره بيلعب اللعبة
لخبط ايديك
امسك كتابك باليمين
غِلَطْ له مره
كيسب له مرة!
الزمن أفراح مُصِرَّة - تنكسر -
أحزان ولازم تنتصر
على كل شئ جواك
إيه الي خَلَّاك
بالشكل ده يا حزين
مين الي خَلَّاك صورة في البرواز

مرسوم بقلب ازاز
لو كلمة تتكسر
مين الي كتر في الفراق و القرب
مَدَّيت إيديك سَلَّمْت ليه على غُرب؟
و كأنك..

عطشان بشر
أو كأعمى يوم ما فَتَّح
شافها بردو الدنيا سودة
يالسخرية القدر!
حَظُّه يطلَع إن شكل اللمة بايظة
زي روحه..

هذا ما أنا عليه بعد ١٦ لُقا
بعد ١٦ وداع
مين الي باع؟!
إيه السبب
-مش مهم-
المهم إنه انكتب
الليل يلم المنديلين

والبحر ييطبطب عليه

هو برضو لِسَّة واقف

والزمن عمال بيضحك

وهو يتفرج عليه...

(إسكندرية)

إسكندرية ماريا
أول لُقا الحبيين
آخر وداع بينهم
الشط كان شاهد

ضحكت عنيتها الطيين
عَجَز النياتي عن إتقان اللحن
رقص جزمة باليرينا تابت
على ابتهاج النقشبندي
نظرة الصوفي لهنالك
صوت ضحك الغرقانين
علي كل شخص بيتولد
علي كل حاجة
إلا بداية النص ده
مدخل طويل جدًا
علي حد زبي يكتبه
اتعود يتكلم لـ جُؤا
فيفوت معاد الرد

زي القُطط
ممکن تَضَيِّعْ عُمرها
في حُب السمك
بس خوفها بيمنع
نزولها البحر
كانت حياقي
مانيكان في فاترينة شيك
بيختاروا من عليه بَدَل الفرح
بس ما بيفرحش.
يمكن النَحَّات كان حزين
على فراق حبيبته
أو يجوز سمع خبر موت أبوه
وهو بينحت الشفايف
مش مهم
الأهم إِنَّهُ اتصنع
مسخ بيعرف يعمل كل حاجة
وعكسها
في نفس الآن
شاعر، مغني

رَسَام بِيرَقَص
على كل لون
جاهل لكن مش أوي
ممکن يَجُود
قَدَّيس و الويسكي لَعْنَتُهُ
وَدُود جدًّا بيزهق من الناس بسرعة
مين يشتري؟
فُتِّح المزاد
أول رقم
عشرين سنة
من ذكريات كات مُفْرِحَة
أَبْجَث تمن
أَوْ لِلْبَدَل!
مين قال لي جاي
ده مريض زهايمر عنده استعداد
يسمعلك وينسى اسمك
من غير فلوس
مُهَرَّج يا هانم يضيع كل ما يدعو للملل
من غير فلوس

مبروك يا هانم

لا لا لا

cut

المشهد ده مُصْطَنَع جَدًّا

المشهد الحقيقي

لشباب بائس في «سيلنترو»

وبنت جميلة قاعدة

على تراييزة جنبه

بَصَّتْ له بابتسامة فَتَحَ الكلام

بَصَّ لها بمنتهى الأمل الي في الدنيا

وانتحر...

(أنا)

القعدة دي تختلف
عن كل يوم
حبيب أحكي لك عن نفسي
عن نفسي وبس
دوري
كومبارس صامت
في فليم كله هزار
نُص معلقة سُكَّر
في الشاي الثقيل
قال يعني قلبي
راح يَكْفِي المُر
شبح مُهْرَج بيوزع
دموع الكل
أنا اتنين صحاب
بيتخانقوا مين أكتب
عدى قطر العُمر
قُلت مش هاركب

قلبي ك ليل شتا مطروح
أَكُتِب من ناي مدبوح
عدّى بسفينّة وقال لي
قوم اركب
لكني ممن عَصُوا نوح
لذلك هَلَكْتُ
لذلك نَقِصْتُ
شئ باهت كل يوم ينقص
وحيد ك قُرْص الشمس في الصحراء
ك بركة مَيَّة ف المطرة
تَعَكِس لي نفسي من غير نفاق
مُسَوَّش وَأَبْهت من ورق شَقَاف
ضِحِك لي خوفي
ضِحِكْتُ. ف خاف!
كريم زي تاجر حشيش
يِفْرِط إيدِه في الحِتَّة
أنا رَمِي جِتَّة
يا صحابي العِظام
كان في كلام

فُلْتُهُ وَمَا قُلْتُوش
كَانَ فِيكَوَا وَاحِد
عِرْفُتُهُ وَمَا عِرْفُتُوش
كَانَ فِي وَحُوشِ اتَّحُولُوا لِبَشَرِ
كَانَ فِي بَشَرِ
وَاتَّحُولُوا لَوَحُوشِ
اسْتَنِي اسْتَنِي
قَلْبِي لِسَّةَ شَايِلِ كَلَامِ
زَحْمَةُ بَشَرِ جَوَاهِ بَتَقْتَلْنِي
لَأَنِّي بَأَنْقَصَ حِجَّةً مِنْ رُوحِي
مَعَ كُلِّ شَخْصٍ جَدِيدِ
مَعْلَشِ هَاكُسِرِ
كُلِّ قَبِيدِ فِي الْقَوَالَةِ
وَأَبَانَ فُصَادَاكَ
مِنْ غَيْرِ هُدُومِ
إِوَعْدَنِي نَقُومِ
تَنْسَى
تَفَكَّرَنِي بِاللَّيْلِ أَنَا نَسِيْتَهُ
لَا مَا نَسِيْتَشِ

لِسَّةُ النَّهَارِ بِنْتَفِقْ

وبكرة مافيش

پاہ

لولا سيجارة الحشيش

الفودكا و الويسكي

کنت هاموت برضو

بس وانا مكشّر!

(طل القمر)

إني رأيتُ القمر
محني على الشَّباك
بيضُفَر من تفصيل الليل صراط
يُجْرَح رموش العابرين سهواً
فيداويهم
بالدمع المكسور
على ببيان الوعد الموصده
لحظة فُراق الحلم
بداعي النصيب
الليل يومئذ كان غريب
شاي ف نجمه
بترت عش لأول ليلة
بداعي الخوف
سامع كلام
طلاسم، حروف
ف ذكرى تطوف
قصاد عيني

يواسيها بدموعه

ياااه

حتى في حُزنك

منسيتيش الناس

روحها رفضت تسكُن جسدها

يمكن تكون فضلت

ضل النجوم عن الطين.

(شارع «س»)

إبريل بيضحك
عكس كل عيد ميلاد
النهاردة بيتولد جوانا شيء مش منطقي
البرد قرر الإرتجال
ننتشي برّا الإيقاع
فيدوب جليد الروح بنظرة
تترسم ع القمره ضحكة
نغرق في بحر الشوق بكلمة
يا حبيبتى أنا كنت عادي
كنت عادي
كنت باعشق كل حي
بعد حُبِّك
صَبَحْتُ مجذوب المدينة
زَهَذْتُ خطاوي الأرض
و صَبَحْتُ بامشي فوق المائي
صبحت بلمح الله في قلبك
شُفْتُ نوره بين عينيكي

وانتي نَعْمَة ذِكر صوفي
أولعلَّك يوم خليقتك
عَدَّت الروح بالمصادفة
على ناي ملاك
وَسَمِيت المزيكا روحك
فكان طبيعي
ألمس الأنفاس صَبَا
أسمع ضحكك نهاوند
أشوف خطوتك سيكا
أمسح دمعتك مضطر
من المقسوم
على المقسوم
يصير نبض قلبك
دُف صوفي
يسكر الكون بنبضاته
فإذا هُم بَسْكَارَى“
أكون أول من شرب م الخمر
أول مَنْ أَصَابُهُ اللَّحْن
فيا قلبي على مَهْلٍ على قلبي...

وَهِيَ خَاوِيَةٌ

(دارِ وِشَّه)

و في مشهد محبوب عنكم
في رحاب الكلمة
وقولت الله
سجدوا الدراويش
كان صوت دُعاهم
التأزف دموع
بيشقق صدور الملائكة مَظَر
والشمس كانت فوق الرأس
قَابَ قوسين أو أدنى
لكن الجو برد
يا نار
كوني بردًا وسلام
على كل من اتَّبَعَ الخُطَى
خطاويهم كانت بترسم نور
كشَفَ الحجاب حَجَبِهِم عننا
واتفَضَّلَ لنا بس التفصيل
جلباب يميل

بنموت ف كلام
و نعيش ف سُكات
يا مَجْمَع المجاميع
و مفرق الأحزاب
و مقفل السراييب
و مفتّح الأبواب
من طين للطين
من طين للطين

مجانين بنعمّر دنيا

ماهياش لينا

دراويش

بنشُق طريقنا بَعْنَاوي

عَرَفانا السَّكَّةَ في خطوتنا

إِنْ تاه درويش بنقول غاوي

وَإِنْ زَهْدَ الحُضْنِ

بيتوه في بَرَّاح

إِنْ زَادَ الحُزْنَ

فَالصَّمُّ مُبَّاحٌ.

(قهوة بوشين)

كان قاعد ع القهوة لوحده
ومرّز جدّا وبيحسب
كام ضحكة يعيشها
ليتم العمر
كان شايل م الحسبة
القهوة وسجايره
وآخر حاجة هيكتبها
مافضلش كتير
يمكن لو كان وَقَّرْ عِلبة
كان زاد في العُمَر دقيقة كمان
يشبه لقصيدة كتبها زمان
أو يمكن جدّا ماكتبهاش
هل عَدَى العُمَر حقيقي بلاش
ولا احنا الي مبقيناش بنشوف !
بنداري جروح
ونوزّع ضحكة على الحاضرين
على مين ولمين هتوزع روحك؟

من مين هيجيك السَّهم الجاي!
أنفاس الناي تشبه أنفاسك
الشتا ونَّاس
الليلة ما كانش ونَّاسك
أصحابك طوب
رَضَّيتُهُمْ سَدَّ
وبصوت فيروز
انكتب العَهد
«لما الشتا يدُق البيبان»
ينطلق السهم
ينهار السد
تسكَّت فيروز
فيموت الناي
مُشتاق للموت
أكيد طبعًا
لكن عُمرُك ما هتقابله
غير في عيون صحابك
وأنت بتفارق
وجودك كان أكيد فارق معاهم يوم

أكيد في واحدة
هتدَمَّع عليك بالليل
هترْفُض صَم طفلتها
عشان الخُضن مش منك
في كاس فودكا
هيبكي عليك
وعلى سِرِّكَ
ونومك أنت و اصحابك
على الناصية في طلعت حرب
على الحرب الي بين نفسك
وبين نفسك
مهما كُنت راح تكسب
تُطَب الكفتين خسران

رهان روحك على روحك أكيد ظالم!

(مُسَافِر)

لِسَانِي تَايَه فِي الْوَشُوشِ
لِسَّة بَادُورَ عَلَيْكَ فِي نَفُوسِ الْبِشْرِ
لِسَّة الضَّلَالِ فِي قُلُوبِهِمْ دَلِيلِ
لِسَّة الْحَقِيقَةِ مُطْلَقَةٍ
فِي عَيُونِ عِزْرَائِيلِ
الشُّطُوطُ هِيَ الشُّطُوطُ
الْمَعَادُ نَفْسُ الْمَعَادِ
وَالْبَعَادُ عِ النَّاسِ لُقَا
قَرَّبْتُ مِنْهُمْ فَابْتَعَدَتْ
ضَحِكْتُ فِيهِمْ فَاتَرَسَمَتْ
حُزْنٌ لِقُلُوبِهِمْ وَجَعٌ
السُّؤَالُ كَانَ السُّؤَالُ
إِذَايَ أَنْوَرُ قَلْبُهُ
أَوْ أَعَمَّرَ حَتَّى كُونَ
أَوْ أَكُونَ «أَيُّوبُ»
أَصْبُرُ عِ الْبَلَا
سَبْعِينَ سَنَةً مِنْ غَيْرِ وَجَعٍ

أَوْ أَكُونُ

«یوسف»

يَمَكُنْ أَفْسَرْ حَلْمَهُم

كل أحلامهم سراب

فَأَعْرِضْ عَنْهُمْ

وَعَفَى

وأنا عُمْر صوتي ما كان جميل

لكنه صادر م الوجع

ف ما تلوموش صوت الكمانجة

لويوم هيخرج ع الإيقاع

أو

نَفْسُ النّايَاتِي لَو انْقَطَع

قَدْ نَرَى تَقَلُّبَ وَجْهِكَ فِي الصَّحَابِ

فلنولينَكَ حُضْنَ تَرْتاح فيه

لِسَّة شَايِف فِي قُلُوبِهِمْ وَجَع

لِسَّةُ الطَّرِيقِ عَمَّالٌ يَضِيقُ

ما يساعش غيري وغيرك

أنا يا التايه

أنا يا دليل

أنا يا الماشي في سِكتهم
بِروح أساساً مُنْهَكَة

سيبني أنا
وكفاية دوشة خلاص بقي.

(مُنَاجَاة)

والله يا رب انا كُنت بريء
لكن قُلوبهم كانت غَرِيبَة
أطاعوك لرضا
وأطعتك لَحُب
فدازاي يكون الحب ذَنْب
وازاي قلبي بعد ما شَقُوا البياض منه
تزحمني في الدُّنيا الغريبة
أَلْقَى السَّوَادَ مَدَّادُ
كَأَنَّهُ قَلَم
في إيد طفل
حلف ليقفل كل نور في اللوحة
أقابل بشر أرواحها مدبوحة
ولسّة بتعافر
أَلْقَى القُلُوب سافر
من فوق سبع سموات
لطين في هذه الأرض
أقبل بهذا العَرَض

أسجد له وهكافتك
كان زمانى فوق
بضحك على فعله
أو كنت ممكن أدفعله
علشان عارفك ما بتغلطش
طب ليه خلقتني ما بيعطش!
طب ينفع اشرب؟
بشرب خمره و ما بسكرش!
طب أفرق ايه أنا عن دولة؟
التور والتار حبة ألوان
اعزفلي كمان خليني
أنسى إن أنا أصلا في الأصل ضرير
فإزاي تخلق لقلبي جناحات
و تأمرني أطير
أنا ليه أصلا بردان دلوقتي؟
إزاي من نار
طب ممكن علشان
أنت واحشني؟!
طب ممكن تحرقني بنجمة

وتسبني اشوف!

ألمح صَيِّك

استنى..أكيد عارف

إن أنا رَغَّاي

وسواس وسواس

في دماغي يدور

مستني الثَّور وسط العَتمَة

والله

لو كُنت أنا ابن لآدم

لَكُنت اخترت الوردة من جنب الطوبة

و احَرَمَ دُنْيا بِأَكملها من عيد النصر

وأسامي بلاد

و ضحايا حروب

بتفلسف تاني كالعادة

و بطوّل في شريط الجلسة

صدقني مليش غيرك أصلا

في القعدة دي

مممكن يسمع لي.

(حلم)

كان نفسي أطيّر
رغم إن روجي تملك ألف و ميت جناح
عمري ما اختبرت شكل ضيّ على السّحاب
شخص منعه العجز عن البص من البلكونة
فاختار يبص من خرام قلبه ع الدنيا
عيل مُشاغب قرر أبوه يحبسه في أوضته
دخل أوضته قفل عليه الباب
شاف الشوارع الي جوه قلبه على الحيطان
و انتصر لنفسه
كمنجاتي بائس
انكسرت عصايته
فبدأ يزغزغ الوتر
كان نفسي أطيّر لكن قلبي انكسر
شُفت البشر لا مش بشر
ديه أشباح من لحم و دم
و أنا كالَّذي مرّيت على قرية
مرور الكرام و ذَهَبْتُ

من غير أثر
كان نفسي أطير
لكن جناحي الي انكسر
كان نفسي أحارب
معركة لوحدي
أكون أمير

ساعتها أطير من فوق سحابة
آجي تحت بيتكم أخطفك
واحضنك وسط الميدان
الساعة ٣ تحديدًا
ساعتها تتلون الإشارات بالأحمر
و كاميرا تعمل فوكس أوت
ساعتها هتبان نجوم
والصنية ساحة الرقصة
والأشرجي يتحول من عُبُوث لـ مايسترو
والعصاية الي في إيديه هي مُحَرَّكة اللَّحْن
وتبقي إِنْتِ سندريلا وأنا الأمير
كان نفسي أطير لكن هروبك الي منعني

زي شاعر خانه الوزن و القافية
فقرر يسرد لو سطرين برّه السياق
يمكن ربك يرزقه
فرد حمام نزل على سطح مش سطحه
كمّل السرب عادي جدّا
و كان هو الوحيد الي نجى
من عاصفة البرود
كسب حياته و خسر حبيبته
خسر حياته و كسب حبيبته
في الحالتين خسران روجه
فعادي نختار الأسلم
ناكل و نشرب
و نبتسم في وش الجميع
كُل الي ضايع انكتبه إنّه يضيع
و الحُزن أصلاً فطره
علشان نفرح
بنعيش اللحظة
عشان ملناش فالدنيا
حلول تانيه

كل الي ماتوا
خدوا نصيبهم من الدنيا
واللّطف غريق
هو الغريق الي بإرادة كاملة في الغرق
و بهدوء قرر لواحد ينسحب من دي الحياة
هل للإله منحة تانيه بعد الخلود؟
و
هل بخلقه للبشر محاولة للخلق بصحيح ولا مجرّد حامل للأمانة؟
أو
إزاي الطينة هتتاكل من الدود و هو كان ليه الوطن؟
نطق المُفكّر جوه مني بفلسفة
سأل العليل
ليه بتميل للسكوت وسط الكلام
و ليه تمليّ تنام و أنت بتحاول تنسى الي بتفكر فيه
كل الي فاكره نسيك
يمكن أموت دلوقت
القصة لو في الوقت
قربنا ما تبعدناش
إن حد فينا عاش

عائش يلف يدور
عميان في وسط النور
إبرة في كومة قش
بقلوب إزاز هش
لو كلمة تكسرنا
شوف قد إيه زارنا
زود في أوذارنا
أجبرني يا الله.

فَأَمَاتَهُ اللَّهُ

(سَکَرَات)

الموت أول طريقك للخلود
آخر خطاويك الحزينة تحت المطر
خوفك بيرسم شكلها
سبقت دموعك وقتها دمع السما
فتفجر تحت رجلك
بير من وجع
قلبك ضريح
طافوا بيه واطوحوا
أشباح كل من سكن الضريح وانتشا
عودك أرابسك
دايب مـ الزمن
عودك زهد الغنا
فإزاي يا شيخنا
هتغني للأمان
وازاي هتصلبْ ضهرك
من بعد ما انحنى
أنت البريء

بتوزّع روحك ع المخالق
تداوي جرحهم بدموعك
متأخر قوي في رجوعك
ولا المكان مُشتاق إليك
كل الكراسي بتنده عليك
لكن في كرسي بيأمرك
تبعد، أبعد.

انسى كل الي فاتك
وارضى بالموجود
يا رب كل وجود

احميني من نفسي.

(إنتظار)

مستني الموت بفروغ الصبر
كان قلبي زمان مليون يامه
الله و الناس
حب الأهل والصُحبة
بالراجل الي بيدندن
أغاني الست عالقهوة
و بالدور الي راح سهوة
أصبح دبلان
جسمي الي كان
مشي له المرض من مدة
نص حقنة أنسولين
و علاج الكبد
وعلاج الكذب
الي صار واضح في اللّمة
لما
والحشيش فضّاح
عرّى صاحبي قلبه قُدّامي

فضحلي سرُّه

عينيه...

مدمعتشي

ظرفُها رِمْشُه

عقلي الي كان

شيء يُحترم، أصبح..

نسيت!

الزهايمر عَمِّي عُيوني

عن عيون حبيبتي

عدّت جمبي فالشارع

معرفتهاش

بس فاكر الشارع

هنا كنت بلعب مع أشباح الطفولة

بنتخانق علي سبع بليات

كانوا حق مين!

نجري ورا بعض زمان

نرتاح من كتر الجري دلوقتي

القهوة أءمن مكان نستخبى

فيه من العساكر

أسوء مكان تراوضنا
فيه الأحلام عن نفسها
بكره هنكون و نبقى
مفيش

(علي هذه الارض)
كل حلم بينتهك طمعاً في سُلطة
أمين الشرطة بيدي التمام للخمسين جنيه
الفُقرا هنا مصدقين
(محدث بينام من غير عشا)

و ييوسوا أيديهم وش و ضهر ويناوما شعبانين
شيوخ المنابر وحدوا الخطبة
(أطيعوا أولي الأمر منكم)
بالعافية

شكراً علشان خلقتني هنا
بس أمانة عليك ما تأخر عني ملك الموت
علشان مستني الموت بفروغ الصبر
القبر مُريح علشان ضلّمة
أحسن من نور
علي هذه الأرض.

(الوقت خلص)

خلاص مفيش
الوقت بيعدّي بهُدوء
والسيجارة
روح يا صاحبي
والمُخدر
جِه نصحني
بإن كل الجاي راح
وإن هي لسة هي
بس كانت
وإن أنت لسة فاضل
بس غايب
و انا مُضطّر أعيش لوحدي
رغم إن الناس كتير
مين هيفضل؟!
مين هيمشي مش مهم.
من يومين
شوفت صورة

شاب شبهي كان بيضحك
بس بردو القلب شايب
و في صورة تانيه
بإن كإنه راقص مُغني
على ايه يا عبيط
سرقوا منك كل حاجة
يوم في عمرك
اختصرو اسمك
حتي جسمك من هزارهم مش سليم
كسبت ايه!!
حبة أغاني توّسك
نكتة مثلاً
اتنين صاحب
مش كثير
بعض البُعد بُعد الجسد
والروح هناك
لسة بردو متعلّقة
في المريلة إيّاها
والمرحلة إيّاها

غاوي و غواها
ف اتفتنت بيه
كل شئ قسمة ونصيب
جملة أضعف من إيمانك
بالكلام والسلام واللقاء
والإنتصار بعد الهزيمة
في ماتش أصلاً مش بتاعك
وقتها الكل باعك
وقفوا من بعيد يتفرجو عليك
مديت اديك التلج للسما
الشمس باشت بين اديك
طلبت منه المغفرة لباك
كفرة ب أسم المعجزة خلاك
تحل كل المسألة بحرفين
وقدرت تعرف مين
اللي معاه السر
أبقوا اسالوا الحلاج..

(الوصية)

أمانه عليكموا يا صحابي
إذا ما في ليلة زارني الموت
تفتكروا اللي كان بينا
و تدعوا لروحي بالرحمة
واشهدولي أنني
عيشت طول العمر
في زحمة
و قلبي وحيد
أقرب قريب ليا
أبعد بعيد
أمانه عليكموا من بعدي
تعيشوا كل شئ بشوئش
تحبو كل لقطة في المشهد
كانت عينية كاميرا
و ضحككم وردة مفتحة
في حُضن الجبل
شهوة التصور بتحكم

أبقي آسف.
هجمع صوركم
جوا قلبي
أكيد ربنا هيْبُص عليه
يا رب
(نفسى و اصحابى و البنت اللي حبيتها)
متحشر نيش وحيد
أمانه عليك يا ملاك الموت
تقبُضها و أنا لوحدي
طول عُمرى عيل بلطجي
حقى بدراعى و صوتى عقلى
و قلبي ملك الناس جميعًا
إلا نفسى
أمانة عليك يا مغسل
لتسقى بميتى وردة
و تقطع م الكفن حته
تغلف بيه بوكيه الورد
وتهديه لى حبيتها

و محبتنيش..
الورد أصدق دليل على الحب
أمانة عليكوا يا اللي شاليني للدفنة
تدفنوني وسط أهلي
مهو يرضو ميرضيش ربنا
أتحرم من حُضن أبويا حتى في الموته
أمانة عليكوا تستنوا
وتقروا سورة البقرة وآل عمران
مدّوا القعدة عند القبر
مبعرش أنا
من غير ما أصلي الفجر
يا نابشاً قبري
بشويش عشان الصوت العالي ييزعجني
(هذا الجسد)
مينفعش حاجة غير يبقي جثة.

تمّت

فهرس القصائد

٥	إهداء
٧	مقدمة
٩	مَرَّ عَلَى قَرْيَةٍ
١١	بحر
٢١	إسكندرية
٢٧	أنا
٣٣	طل القمر
٣٩	شارع «س»
٤٣	وَهِيَ خَاوِيَةٌ
٤٥	دار وُشَّة
٥١	قهوة بوشين

